

8(05)
sm-40

Handwritten signature or calligraphic mark in black ink, consisting of several fluid, connected strokes.

Handwritten signature or calligraphic mark in black ink, appearing as a stylized, cursive script.

შ ი ნ ა ა რ ს ი

მარუთა შუამდინარელი	მეჯნუნის თვალუმიო.
კ. მაცაშვილი	ასალგაზღა შოეფრეს.
ხ. აბაშელი	დათაღსული ფიბრეზი.
ს. ფაშალიშვილი	მარწამსად.
მარიჯან	ჩემზე ჩემთვის.
ი. მოსაშვილი	ქორწილი ჩვენ სოფელში.
ი. გრიშაშვალი	ჩემს ცთლუმს.
ლევ. მეტრეველი	მაჩნის სურა.
ნ. ლორთქიფანიძე	საიდუმლო.
დემნა შენგელაია	ქადაგი.
ნ. შიუკაშვილი	მთვარელი შენენით.
მ. ბოჭორიშვილი	ღამის ფიქრი.
ჯ. ჯორჯიკია	ჯარღთა საგუშარა.
დ. თურღოსპირელი	ცირა.
აკაკი პაპავა	ცდილისით გმართლუმა.
კ. კაპანელი	სივდა და ცრუაბაღუმის იღია.
კ. აბაშიძე	თავისუფალი შევთმეძე.
ივ. გომართელი	ბრინაშვილის პრთელია.

რედაქტორი: ი. გ რ ი შ ა შ ვ ი ლ ი.



მართა შაჰინაძე.

მეჯნუნის თვალეზით

ლეილას თავისი ბილკი აქვს. მისი ნორჩი ფეხები შარავზას არ არის ჩვეული.

შეიძლება იგი ცხრა წლის მანძილით დაეთარილოთ, შეიძლება ჩვენი ჟურნალი ერთი ბუქტური თაბახი იყოს—16 გვერდით ნაჩვენები, მაგრამ იგი 16 ასოც რომ უკუილიყო მაინც თავისებურობას არ დაჰკარგავდა.

ქართულ ლექსს ყანდი ეპარება. ეს დეკადანსი შექველად მალრიბიდან მოდის.

ნურაინი იფიქრებს, თითქოს ჩვენ უცხო ლიტერატურას პატივს არა ეცემდეთ, პუშკინის ცრემლები „ბაღისარაიდან“ და შექსპირის სონეტები მაცელისფერ ბალიშზე უსვენია ლეილას ჩანჩაგირს. მაგრამ მე არ მინდა რომ ქართული ლექსი სხვის მარჯაუად გადაიქცეს.

ქართული ლექსი, რომელიც თავისი განცდით სწევადა შემოქმედს, დღეს ისე გაცივდა და გაფერმკრთალდა, როგორც მიტკლის ყვავილები მათეულზე ამოსული; ქართველი მგოსანი, რომლის თითებიც ანთებულ სანთლებად ეღვარებდა, დღეს ნახსიხარ ძველ ხელთათმანს ატარებს.

ტქმულეობა: აღმოსავლეთში ერთი მომღერალი იყო, რომელიც ყელთამდე წყალში იდგა, მაგრამ მაინც დაიწვია! (დღევანდელ პოეზიის ცეცხლით კი ერთი ჩიბუხის გაჩაღებაც შეუძლებელია. იქნება ამ ცეცხლის ყვავილებს ეპოქის საერთო ქარაშოტი აჩოფურებდეს, მაგრამ ყაზბეგის ტქმისა არ იყოს: „უნდა გულს ჩამოვხადოთ მომეტებული ბარგი“ და სხარტი სინდინჯით გადავხედოთ პოეზიის ფოსოებს.

ჩვენი მიზანია: უცხო ლიტერატურაზე არა „თვალხუქინას“ თამაშობა, არამედ დახვეწვა და შეგნებული „არული“... ჩვენი გესურს, რომ მოხდეს დამზობილება ნიქსა და ტენიკას შორის.

ერთხელ ნიკო ლომიურმა აკაკის აჩვენა თავის ლექსთა რვეული. აკაკიმ აათვალ-ჩაათვალღიერა და ბოლოს უთხრა აეტორს: „ეკარგია! რითმაც არის, ენასაც არა-უქირს-რა, მაგრამ მაინც ლექსი არ არისო!“

ჩვენ ვამბობთ, რომ როცა აეტორი თავის ნაშრომს ლექსად გვაწვდის—ის ლექსი, მთელი თავისი აღნაგობით, ლექსი უნდა იყოს და არა მარტო მშრალი სტრიქონები, თუ გინდ იგი გვეღვივებდეს იკლანებოდეს; ერთი სიტყვით პოეზიამ ჩვენი ბუნება უნდა გააზნაუროს როგორც იტყოდა ბატონიშვილი დავით.

ლეილას თავისი საყვარლები ჰყავს: თავისი მწერლები. ლეილას მიზანია: ნიქის პატივისცემა, მგრძობელობა, შაბლონის აცილება და საერთოდ აღმოსავლეთი თანამედროვე კონსტრუქტივიზმით გამიზნული.

ლეილას არ უყვარს „დარბაზობა“ და ამიტომ არის, რომ იგი მაშინ ირთვება და გამოდის სასიერნით, როცა საამისო ეშხია დაგროვილი.

პოეზია დახურულ ბაზახანაში ვერ გაივლის, მას ყაბახივით გაშლილი ადგილი სჭირია.

საადიმ სიტყვა: „ლეილას სილამაზეს მეჯნუნის თვალეზით უნდა შევხედოთო!“

შეიძლება ჩვენი „ლეილა“ არ იყოს ნატიფი, ჰასაკოვანი და პირზე ხრილდაფრქვეული, მაგრამ იგი ამაყად მიიმართება პოეზიის ხეივანში და ჩვენი სურვილია, რომ მის სილამაზეს „მეჯნუნის თვალეზით შევხედოთ“.

P-4480

ახალგაზღვა კოეტიმს

საქართველო ედემია, აკენია ხმათა:
ჩვენს ანბანსა ვით ედაროს ალფაბეტი სხვათა!
ყოელი სიტყვა მოძრავია, თავისთავად ფასობს,
თვისით გრგვინავს, თვისით ბრწყინავს, თვისით ლაღობს, ნაზობს...
ქართულ სიტყვას სულ არ უნდა ხელოვნური პოზა —
იმას არც-კი ეგუება ენა-ჩლუნგი პროზა!
სიტყვათ წყობა მდიდარია ხმოვან მღერალ რიტმით,
თვით ჰაერი ჩვენში არის გაუღენთილი რითმით!
რა არ ძალუძს ქართულ სიტყვას, ცოცხალსა და გრძნეულს?
იგი სწვდება სულის უღრმესს, საიდუმლო ხვეულს.
ბრძოლის ცეცხლში, ქირში, ლხინში — ის სადაც კი გხვდება,
ხან მახვილად, ხან გოდებად და ხან კონად ჰხდება.
ქართველთ ენა ვერ წარბოცა ქარიშხალად დროთა,
მზე-დარაჯად მას უდგია ლექსის ლმერთი — შოთა!
მნათობს სხივი ჩამოართვა, იმით სიტყვა ანთო,
და ეს სიტყვა სხივოსანი გვიანდერძა, გვანდო!
მიტომც მგოსნობს საქართველო, მგოსნობს ჩვენი ერი:
ლოცვას ლექსის ფრთებზე აწყობს თვით სასტიკი ბერი;
და მეფეც კი მეფობის დროს — მონა არის მუზის:
გარეშემო ლეთის რისხვია — ის კი ლექსებს უზის!
დიდებული, გვაროსანი ხმას აყოლებს თარსა,
მუხამბაზით, გაფ-თეჯლისით ეჯიბრება სპარსსა!
გლუბი ლექსით ეგვებება ყოველ ამბავს ნაირს:
ღრმა ხნულეში პურთან ერთად იგი სთესავს... შაირს!
და ზაფხულში ოდეს ოქროდ ბზინავს ჩვენი ყანა
თავთაგებში წყობილ რითმებს ვერა ხედავთ განა?!
ნურას ვიტყვით თუ მათ შორის ვის აქვს ფასი, წონა —
შეხეთ, როგორ სურნელოვნობს ქართველ მგოსანთ კონა!
სხვა და სხვა გზით, და ხერხითა ყველა ეძებს ერთსა:
ცხოველ მყოფელ სულის ჩამდგმელს სილამაზის ლმერთსა!
სალამს გიძღვნი, პოეტებო, ვაშა თქვენს ტკბილ ქნარსა!
შულღი, მტრობა ერთმანეთის წაულიამც კარსა!
ნუ ასცდებით იმ ნიადაგს, რუსთაველს რომ ზრდიდა
და რომელიც ჰაეროვან საქართველოს ჰქმნიდა.
უცხო მზრისკენ ნუ გიჭირავთ თქვენ მძებნელი თვალი:
ჩვენში ვარდი უფრო ვარდობს, უფრო ქაღობს ქალი!

ს. აგაშელი.

დათალსული ფირუზი

ათი დღით ვისვენებ მტრედისფერ აგარაკს,
ირგელიე ახვევია სიმწვანე ფიქვების.
აქ გადაეჩეიე მოსაწყენ ლაპარაკს
და აქვე ვიგრძენი სიმწვანე იქვების.

სალამოს ჩრდილები იწყებენ საუბარს.
ღრუბლები ანგრევენ მოოქრულ ვერანდებს,
ჩამავალ სინათლეს ზეციდან ცა უბერს,
ძირს ნისლი ჩასძირავს დაღალულ ფერადებს.

ვილაცა ყოველდღე სადილზე მიბარებს,
ქალები გზავნიან ვარდისფერ ბარათებს.
და უკვირთ: ვინ არის-- არაფის იკარებს?
ვინ არის რომ ღამე ოთახში არ ათევს?

ვინ ეტყვის ჩემს ნაცვლად ან ვაქებს, ან ქალებს,
რომ მე აქ უშენოთ ცრემლით ვიტვირთები...
სალამოს ჰაერში ფირუზი ჰკანკალებს
და გულში იზრდება ცისფერი ზვირთები.

ცის ფარდა მოიხსნის სხივების ყაითანს
და მთაზე დასცივია ბროლი-იაგუნდები.
უშენოთ ხეტიალს სული ვერ აიტანს...
და ვტოვებ აგარაკს, და შენთან ვბრუნდები.

ს. უაპალიძის მიერ

მრწამსად

გაიშალენით ყვეილებო, იშრიალევით:
მაისმა მზიდან ოქროს თვალთ გადმოიხედა,
გაიშალენით, დაითევრით შუქის დალევით,
სანამ თქვენს ტუჩზე მარგალიტის ნამები სხედან.
იშრიალევით ფერადებში მზის პერანგებით,
ნელის ჰანგებით --- ნიაგებში გადანამღერით,
სხიეთა ნამქერით იშრიალეთ --- ვიდრე განგებით
სუსხი არ მოვა და ქარვით არ დაიჟანგებით!

შეიყვარევით ქაბუკებო, შეიყვარევით,
დასწვით ბაგენი და ამბორით ღამე ათიეთ,
აენთეთ მზეში, სული ცეცხლად აჩანქარევით
ყველა შეცდომა გულს შეუნდეთ და აპატიეთ.
შეიყვარევით --- სანამ მოვა დრო მუხანათი,
ბედი ჯალათი --- ვიდრე სახეს დააჩნევს ღარებს,
ნუ დაიზარებს გული ტრფობას ვიდრე ლალატი
დააკნობს გრძნობას და მკვდარ ფიქრებს გაატანს ქარებს!

იმღერეთ მუდამ პოეტებო, გრძნობით იმღერეთ,
ხალხში ისროდეთ სულს ანთებულ ჩირალდანებათ,
შედით მზეებში, ყველა ღმერთი გადაიმტერეთ ---
ძვირფას ლექსისთვის ნურაფერი დაგენანებათ.
იმღერეთ სანამ გრძნობა მოსჩქევს ცეცხლის ალივით
და გრიგალივით სულს ატოკებთ - მზის წამწამებით ---
ვიდრე არ დაგცემთ ბრბო ნალევში და ნამთვრალევი
და ქრისტესავით გრძნობის ჯეარზე არ ეწამებით!..

მარიკან.

ჩემზე ჩემთვის

მთვარე ვით ქარვა. ღამე — გიშერი.
ეს მოხდა უცბად. ბინდისას აღრე.
ჩემს აგარაკზე შემოიჭერი
და ტანი ვნებით გადამიღარე.

თვალეში ფიქრი ჩაწვა არხებად
და ჩამოინგრა ვარსკვლავთა ხიდი.
მე აღარ მზიბლავს კაბის გარხევა —
სიჩუმეს ლექსით გამოვისყიდი.

ცვლებადი ვარ. ნაზიც და მკაცრიც.
სვედა ექსტაზში გადამაქვს ხელად.
ჩემს ბოროტ ტუჩებს, ღიმილით აკრილს.
კოცნას უკრძალავ სხვის გასამხელად.

სიტყვის ქურუმი. სიტყვის ჯალათი —
პოეზიაში ვიხრები მარცხნივ.
ო! მე მალეღვებს თეთრი ხალათი
როცა ტუჩებით წამწამებს ვარცხნი.

შენ დამიხლართე მუქი იქვეებით
სიკვდილ-სიცოცხლის გზა-ჯვარედინი
და ჩემს ფიქრებში ისე იჭრები:
როგორც ტფილისზე ჯალალ-ედინი.

ქორწილი ჩვენ სოფელში

შატი ი. გ თ ი შ ა შ ვ ი ლ ს.

დაუკრავს თარი. წაიქცევა სამწვადედ შაქი...
შაქრის თავს ტეხენ და პატარძალს პშეგენის დარცხვენა...
ეკამათება უბის სუნთქვას თხელი ლეჩაქი
და მეტის ლელით უფრო ტოკავს მკერდი მარცხენა.
პირობას ელის სარეცელი და ბაღდადიან
საბურავებით იმოსება საბნის სარჩული...
ქიანჭველები მოუთმენლად ტანში დადიან
და თრთის სხეული საგანგებოდ შემოფარჩული.
გატყდება თეფში შესაფალში და წყვილი გნოლი
ხანჯალთა რკალქვეშ გაივლიან ხელგაქდობილი...
დედოფლის სახემ დაიფინა თეთრი მაგნოლი,
არა შორდება ქმარს — მეჯვარე და ქალს — დობილი.
მახარობელი ცხენს ჩამოხდის ბალთიან საკმაზს,
ზუზუნებს ზურნა, სუფრა ლხინობს, მოდის ხაშლამა...
ორ-ორი ჯიხეთ სმენ მაყრები შემუხუნა ბაქმაზს,
გრძელი ჩაკრულა აამღერა სუფრის გაშლამა.
დამქაშებს შაბაშს მიაართმევენ და განაახლებს
ლუღუკი კენესას, რომ ქეიფმა კვლავ დიდხანს გასძლოს...
დღეს ერთმანეთი უფრო უყვართ შარიან მძახლებს
და დედამთილი წამ-და-უწუმ ეხვევა სასძლოს.
მოკედება ღამე... გაუწყდება ჰანგი სანთურებს,
ჯვარდაწერილებს გააპარებს დედა ნეფისა...
ლოთი თამადა მოწყენილად თავს აკანტურებს
და მაყრებს ძილი მოერევით გათენებისას.
სძინავს სუყველას და ორს გარდა ყველა კარშია,
მტენის კუნწულა იმარცვლება ენების ბადაქში...
და ტალღებს არხვეს სარეცელზე ზეწრის არშია.
გადახლართულა რქაზე ვაზი... თოვლზე — ბადახში...
და პატარძალი გაურკვეველ ტკბილ სიზმარშია.

II. პრივაჟილი.

ჩემს ცოლებს

მე არ ჩამოგთვლით თქვენ საითთაოდ.
იკმარეთ მხოლოდ ეს სათაური.
დღე, ისტორიამ მერე იღაოს ---
ასტყდეს კალმების აურზაური.

მშვენიერებო! თქვენ არა ერთხელ
აღმინთეთ სულის აღმაცერობა.
მაგრამ ვერ ვპოვე: ლილია, გრეთხენ,
უცხოა თქვენთვის მგოსნის სერობა.

ლილია ენების ამომშანთაეი!
გრეთხენ სინაზის უცოდველობა!
რითმამ სტრიქონში დაიხზო თავი ---
ველარ შეიძლო თქვენი მცველობა.

მინდა დაგტოვოთ ყველანი ერთად
და მოგახალოთ ერთ დღეს უარი!
მოსაწყენია სჯა მშვენიერთა,
საწოლი. ენება. ექსესუარი.

ლამაზ ლალატი გული იესება:
თქვენც გაგათხოვებთ, თქვენც კმრებს გაჰყვებით.
ერთში ვერ ვნახე ყველა ღირსება
და მინდა ნაკლი შეეჯესო სხვებით.

ო, ჩემი ქცევა ვის გააარისხებს!
ვინ გადმომიგდებს ხელათამან მძაფრად!
არ დავეძებდი თქვენში ხარისხებს,
ვანაწილებდი გრძნობას თანაბრად.

ეფიქრობდი. ხსნა კი ვერ მომეგონა.
„ათასერთ ღამეს“ ვფურცლავდი, ეშლიდი.
ახ, რად არ გახდით ერთეულ კონად,
ახ, რად არა ვარ გარუნ-რაშიდი?!

თქვენ არ ატარებთ ჩემს ფსევდონიმებს ---
გეთაკილებათ ცოლობა მგოსნის.
თუმც საითთაოდ ირიგებთ სიმებს
და ტუჩს ნატუჩარს სუყველა ჰკოცნის.

ო, თქვენი ხელის ნაძერწავიდან
ჩემს წიგნს ამშვენებს ჩუქურთმა ბევრი.
მაგრამ რაც იყო... მორჩა! წაივია!
ლენის ჰაშნიკმა გაბზარა ქვეერი.

თუმც თქვენთან ვრჩები ნაწილობრივად
ვით მარგალიტი ქვებში გდებულნი
მაგრამ მე მაინც ვითვლები ქერივად.
მე: ჩემს ტალანტზე შეყვარებული.

მარჯნის სურა

მარჯნის სურას დავეწაფე, შენს მარჯნის სურას.
 იქ ნაღული მარგალიტი მსურდა შემეტეხო. მაგრამ მოვსტყუდი, ვით სტყუვდება ყველა მწყურვალი.
 ფერად ნათალი კობტა სურა ცარიელი დამიხვდა და მწყურვალზე მწყურვალი დაერჩი სახტად მოტყუებული.
 ნუ თუ არასდროს არ აღესილა იგი და მარად ცარიელობდა?
 ან იქნებ აღესილა სხვამ გამოსცალა?
 შენ გაწითლდი?
 ძლივს ველირსე შენგან ერთხელ ხმამალლა პასუხს...

ნ. ლიტომოჟანსკი.

საიდუმლო

დიდ ხანს ვეღორდდი ბარათს. ვითმინე, რაც შემეძლო. ეხლაც არ მივწერდი, მაგრამ ამ უტყუ და ჩემ ბუნებაში ყველაფერი მუსაიფობს და თითქოს დამცინის, მტყუველო, შენ რა-ლას სდღუხარო?

მთაც კი, მოწყენილი, უტყუო და უბალახო, მთაც, დიღ-დიღაობით ჩრდილს საიდუმლო ბართად უგზავნის თოვლით მოჭედის, პირმცინარეს, წერწყეტს, მაღალ მთას.

წერილად გაგზავნილი ჩრდილი შეხვდება ბრტყევილა მძივებს მეორე მთისას, ფერი ეკარგება, მზიარულდება და უკან-უკან იხეხს. მოწყენილი, უტყუო და უბალახო მთა გადიურის სედას; ფერულიანს მწყურვალს ღიმი გაღურბენს სახეზე.

შეესტკერი და მხარბება.
 ვაკვირდები და ვეღარ ვითმენ.
 მე თვით ვიწყებ წერას. დაწერილს ვხევე.
 დავდივარ. ვტოვებ ოთახს.

უნებლიეთ კვიპაროზს უახლოვდები და ზღაპრულ დალაქივით ჩაფუტუნებ:
 ... ორ სულთა საიდუმლო ვიცი, მე ვიცი ორ სულთა საიდუმლო. შენ ცისკენ წაიღე, მიწაზე არ დასტოვო ორ სულთა საიდუმლო.
 -- მე შენზე უკეთ ვიცი ორ სულთა საიდუმლო,--დაცინით ზევიდან მეუბნება მთვარე.
 -- მე შენზე უკეთ ვიცი ორ სულთა საიდუმლო,--ნახის ღიმილით მეუბნება დინჯად მიმცურავი ღრუბლის ნახევი.
 -- შენ კი, დიღო მუხავ, ბერი-კაცო, შენ ხომ არ იცი ორ სულთა საიდუმლო?-- შეშინებული ვეითხები მუხას.

ბევრი რამ, ბევრი საიდუმლო მინახავს, გამიგონია, მაგრამ მაგიწყვდება: ყოველს წელს, ყოველს ჩემს ფოთოლს თან მიაქვს მიწაში ათასი ამბორის ხმა, ფიცის სიტყვები, თან მიაქვს სურათები იქვით გაბზორტებულის სახისა და სიყვარულით ალგზნებული თვალებისა. მაგრამ ყველაფერი იმარბება მიწაში, სუღარად ჩემი ფოთლები ეხვევიან გარს და ლტებიან ფოთოლთან ერთად უკანასკნელი მოწყებები. ვარკვევით აღარაფერი მახარებს: ერთმანეთში ირევა ვაჟი, თრითინა, ბავშვი, კოდალა. დღეოფალი და ქრავი... აი შარშან ამ ძირს ეწვიენ... ქალი მაისის დიღა იყო: ვაჟი - შემოდგომის საღამო; ქალს თოვლის ფიფქი გამოკრთოდა; ვაჟს ნისლი ეხკია. მე ხელს უწყობდი: უფრო დაეზურავდი შტოებს, პატარა ყლორტებს გვირგვინად ვაღვადი თავზე, ფოთლებს ვაკრიდი მხრებზე... ერთმანეთს ერიდებოდნენ... უხმოდ ისხდნენ. ვაჟი სტკებობდა ქალის მშენიერებით; ქალი კი ჩემს ფოთლებს მაისში მწვანეს,

ოქტომბერში ყვითელს, სწიწვინდა ხელში... მკრთალი სურათი და დამარჩა ხსოვნაში. უკანასკნელი დამკვანარი ფოთლები ნოემბრის ქარბუქმა მომტაცა, და საიღუმლოს წყრილობანები მათ წაიღეს.

— მათდა დასაფარავად ჰპურავდი ტოტებს, გრებდი გვირგვინად ყლორტებს, ფოთლებს აყრიდი მათ მზრებზე; ჩემი სხივები მანაც ძვრებოდნენ შენ შტოთა შორის; საიდუმლო, ორ სულთა საიდუმლო მეც ვიცო... ვიცო. ეშმაკურის ღიმილით, დაცინვით ჩამოგველერა მთვარემ.

— საძაგული ქმნილებაა ეს მთვარე! ჯაშუში! ერთგვარის ვაფაცოცებით დაძკურებს უმან-კო, მოკრძალებულ სიყვარულს და გარყენილების ქარიშხალს. ზოლით წარმოსთქვა მუხამ.

მე შეზინებული ვიყავ, ვაი თუ მიქანკალბა, კორიანმა მთვარემ წმინდა საიდუმლოს რაიმე დაუმართოს მეთქი.

ღრუბლის ნახვეი უკვე დაეშვა და გაძარცულ მუხის შტოებს აბრეშუმის ქსელად შე-მოედლა.

— განა აქ იყენენ? მოვლდე და დღემდე მათი ამბავი ვერ გამოიგია. მოვლდე, დავინახავ და ისევ დამეყარებინან. ჩრდილოეთში, მოეკარ მათ პირველად თვლი. იქ სიცივე ერთმანეთს აშორებს ადამიანებს; მაგრამ თუ ერთმანეთისადმი იგრძნეს სიყვარული, ესვევინ ერთმანეთს, ეგერიან, არ შორდებიან. ბუნების სუსხს თითქოს ებრძვიან სიყვარულის ალით. ესენი კი იქაც, იმ ცივს ქვეყანაში ერთმანეთს შორი-შორს უდგნენ. რატომ? მგონი ეშინოდათ, აღერსით დაეწვავ და მერე რაღა მეშვეებოდა!.. მერე აქეთენ წამოვიდნენ. ქალის ნატერ-ფალზე ჩემი ზხა ამოდიოდა, ვაჟისაზე-- მოწყენალი ნახვი. ისე ჩქარა მოდიოდნენ, რომ მი-მემალნენ. ნეტა ესლა კი სად არიან?

— სად არიან?-- ვაგვიცინა მთვარემ,-- აი მანდ თქვენს გვერდით. უყურებთ და არაფერი გეხსით. მე ვიამბობთ ნამდვილ ამბავს... ვაჟმა ველარ მოითმინა შორი-შორს ცქერა და მუდმივი ტანჯვა. ერთ მზემხიარულ დღეს კრძალვით ხელი ოპკიდა ქალს. ქალის მშვენიერა გაიშალა სრულად. ასრიალდა თვლები; აელდა ლოყები; დანაზდა სახე; თეთრმა კბილებმა გამოსცა შუქი; გაეშალა ტერვი თმა; თითები ისრებივით გაიათალა; დაირხა ვერხვის ფო-თოლოვით ტანი; სხეულმა მოაქცია მზის მთელი სხივები.

ორი სული ერთ სულად შეიქმნა. ქალი უეტრად გამოიჩვენა და გაიქცა. ნეტარება ისე დი-დი იყო, რომ მიწამ, დედა-მიწამ ქვეყანას აღარ დაუტოვა-- დაალო პირი და სამუდამოდ გულში ჩაიმარხა... მხოლოდ ვაჟი.

ქალი უკანვე გამოეჩანა. გველშაპი-- მიწა პირს უკვე ხურავდა. ქალის მხოლოდ ფეხები და დარჩა ყელში ხარბ ცხოველს.

ქალი ხელ იქცა. იგი ხე მაძინია-- *Mimosa pudica*. დღე გაიშლება: იგი ვახარებულა; მზის სხივებს ჰკრებს მიჯნურისათვის; ღამე კი მოწყენილია, ჩუმად არის, შეკეცილი აქვს ფოთ-ლები. ჩვენ გვეგონია, სძინავს; იგი კი ემუსაიფება მიწაში მყოფ მიჯნურს; აწვდის მზის სხივებს, უთბობს სამარეს. ამიტომ არის, თუ ვინმემ ხელი შეახო მაძინიას, მაშინვე შეი-კუმშება, ფოთლებს შეიკეცს; სხვა მოტრფიალე არ სურს: იქ მიწის ქვეშ, ჰყავს სამარადისო საყვარელი. დღე მისთვის არის მზიარული, რომ ღამე მზიარულების ნაყოფი მას გადასცეს.

დღე იმითმ არის ისე ღამაზე, სურნელოვანი, რომ სავანე დაუმშენოს საყვარულს.

— ნეტა ვაჟი კი როგორ ცხოვრობს იქ, ცივ სამარეში?-- იკითხა ღრუბლის ნახვემ.

— ცივი რად ექნება სამარე, როცა თავზე სათაყვანებელი მაძინია ადგია; როცა სატრ-ფოსგან მოელის სითბოს, როცა სატრფოს იმედი აქვს სხვაზე არ გასცვლის!-- დაცინვით გასცა პასუხი მთვარემ. მთვარის ღიმილმა გაააო ღრუბლის ნახვეი და შემოედვა გაძარ-ცულ მუხას.

— მაძინია, როგორ არის შენი სატრფო? დავეკითხე მე თვითონ. ხმა არ გამცა.

— არ იცი?! არც ვინდა ვაიგო? იქნება გაჰქარა თვით სიყვარული. -- დაცინვით ვეკითხე-ბოდი მაძინიას.

* *

მსურდა ჩვეულებრივი ბარათი მომეწერა. აქაური ამბების მოყოლას არ ვაპირებდი; მსურ-და გულის კარი გამეხსნა; შვგ წაიკითხავდი ჩემის არსების ბოროტსა და მართალს. ზღაპარ-ი კი ვიამბე, იქნება ამან უფრო გაგართოს. როცა შინაარსი მოგაბუბრებს თავს, დაუყვირ-დი ზღაპრების ელფერს, მათ სულს: შეიძლება მისში ჰყოფი ორ სულთა საიდუმლო.

ქაღაგი

(ბოშინიდან „სანაგარტო“ XV კაბი.)

უეტრად ვალენის იკით შეიქნა ჩოჩქოლი.
მიოქმა-მოთქმა...

ხალხი აირია:

— ფეფელო მოდის, ფეფელო ქადაგი!..

ყველა გზას უთმობდა კაბა აკარწახებულ ფეხშიშველ დედაკაცს, რომელიც მიემარჯობოდა ეკლესიისაკენ.

დაემხო ეკლესიის კარებ წინ და ლოცულობდა დიდხანს, გულში მუშტს იცემდა, მოსთქვამდა შემზარავად.

ზარდაცემული ხალხი გასნატული უცქერის.

ცეკვა-თამაში შეწყდა. ყველა ეკლესიას მოაწყდა.

მხოლოდ შორს, სოფლის გზაზე მოისმის მთვრალეების: „რანუნია“.

— ხალხნო!.. ხალხნო!..—გააპო ჰაერი მისმა კივილმა.

მესერზე მიბმულ ცხენებმა თავები ჩაჰკიდეს: იგრძნეს აედრის მოახლოება.

საღლაც გრვენივა მოისმა.

ელვამ გრეხა დაიწყო ცაში.

ბნელდება.

— ხალხნო!.. რა გეშველებათ, თქვე უბედურიშვილებო!.. რა გეშველებათ!.. წუხელის ღვთიშობელი გამომეცხადა და მამბილა, რომ დედა-მიწა მაკეა უმურთა-უმურით!.. დედამიწა დედა კი არ არის ჩვენი,---კოვნიანი დედალი მგელია, რომელიც თავისივე ლეკვებს თვითვე სკამს!.. ვაი თქვენ, ხალხნო!.. სანავარდო დაბერწდა!.. უმურ მოსპობს სანავარდოსო, წერია ფეფოში!.. კინკები და მანეები დაეუფლება სანავარდოსო,---ამბობს კარაბადინი!.. დედაკაცების საშო დვრიტასავით არის გამომჰქნარი, მაჰიკიკით არის გამზმარი, რომლითაც დედაკაცები ყველს ადიდებენ. ვაეები უნაყოფონი არიან, როგორც საქურაჰები!.. ვაი თქვენ ხალხნო!.. ძერას ჰკითხეს:—შვილები გირჩენია თუ ორი თვის წყალუსმელობა?—წყლის უსმელობაო!.. ჯორსა ჰკითხეს:—შენ რაღაო?—უშვილობაო!.. თქვენთვის არავის უკითხავს და რამ დაგაბერწათ ასე?!.. ფეფოში სწერია: როდესაც მზე მარტის ოცდაერთს შევიდეს პირველსა ხარისხსა ვერძსა, წლისა მჟარეული იყოს მარები ლომითურთ, რომელიც სახლია მზის!.. იყოს ყელის ტკივილი, დურბლის ქარები, ხველება და მკერდის ტეხვა!.. ციებით ლოგინათ ჩავარდეს ხალხი!.. გამრავლდეს ავადყოფობა მანდილოსანთა და უშვილობა!.. ევედრენით უფალსა გიხსნათ უმურთა-უმურისაგან!.. ვაი თქვენ, ხალხნო!.. შავი დღეები მოგელის შენი!.. დედაკაცები ქეას ჰშობენ და შეიღს კი არა!.. გაოცოდა სანავარდო და ჩენ ბუშები ვართ მისი. მანე სულბის მარულა გაქენდება სანავარდოში!.. თავს უშველეთ!.. მოახლოვდა ეამი მეორეთ მოსელისა და დედათა გოდება დააყრუებს ზეცას, მამათა ვაება გააპობს დედამიწას!.. მეუფე უმურთი მობრძანდება თავის ამალით!.. არული თქვენ, წყეულებო!.. ვაჟ ვაჟ, ვაჟა—ჰკივის ფეფელო ქადაგი, პირადან დორჯულს ჰკრის, ბუქნავს და უჩანს მზისგან დამწვარი კუნთები.

შიშის ზარი იპრობს ყველას.

ხალხი შეშფოთდა.

უეტრად ქადაგი დაეცა მიწაზე და დაიწყო გრეხა თავგასრიელ გველის წიწილივით. დედაკაცები სტირიან და პირჯვარს ისახავენ....

ნ. შიშკაშვილი.

მთვრალი მშვენივრით

ოდეს მივარდნილ სადმე მთის წვერზედ ნისლთა, კლდე-უფესკრულ და უღრან ტყეთა სა-
მეუფოში გამეღვიძება,

როს გარიყრაყის შემკრთალ ბინდებუნდში უკანასკნელი ვარსკვლავი ჰქრება და განთია-
დის ფრთა-ნაკრავ ცახედ მხოლოდ ცისკარი საცეცხლურივით მზის აღსავლის კარს წინ
მოუძღვება...

ოდეს დღე-ღამის გაყრის ბურუსში იქ--სადაღაც ქვევით--შორს თხელი ნისლის ქსოვილ
მანდილს ქვეშ ალაზნის ველი გადამეშლება, --ზღაპრად ქვეული მისი მშვენება სიზმრად,
ზმანებად მომეველინება, ---

ოხ, მაშინ!...

მიღუელ გრძობას ცრემლი ერევა, ამ ნეტარებას ვერ იტევს მკერდი!

მთვრალი ვარ მაშინ--მთვრალი მშვენებით და ბედნიერი, როგორც რომ ღმერთი!...

* *

ოდეს გადახსნილ, ტურფავ, გულ-მკერდზე ვნება-მიხილი დაგტრფი, ვლოკულობ, ქანც-
მიღუული აღფრთოვანებით ლეინისფერ ტუზებს ვეამბორები და შენ-კი ვნებით მთლად
ჩაფერფილი იცინი, სტირი, სულში მიძვრები მთა, ზღვა, ხმელეთი, ცა-დღემამიწა, მთელი
სამყაროს მშვენება შენ ხარ!--

და მაშინ!...

მიღუელ გრძობას ცრემლი ერევა, ამ ნეტარებას ვერ იტევს მკერდი!

მთვრალი ვარ მაშინ მთვრალი მშვენებით და ბედნიერი, როგორც რომ ღმერთი!...

მის. გუჩუნიშვილი.

ღამის ფიქრი

გარეთ: თოვლია და ქარი.

ოთახში: მითითოლვარე ხელი ატირებს ქიანურს.

მოულოდნელად გაწყდება სიმი და ფიქრების დამბლა შეიპყრობს მოხუცს.

საშინელია მარტოობა ზამთრის ღამეში, როდესაც ფანჯრის მინებს აწყდება ქარი.

ძნელია თმაშევერცხლისათვის მოგონება იმ დროის, როდესაც ყოველ ნაკვთში მაკ-
რობდა ყინი.

ავხორცი იყო იგი და ვნებიანი, როგორც გიორგი ლაშა.

იგონებს -- როგორ სწევდა ხალისიან დღეებს.

იგონებს--ქალებს მის მკლავების რკალში, რომ ითვედნენ უმანკოების პირველ ღამეებს.

ესლა დადალულია იგი ურწმუნო დროით.

ალარავინ ჰყავს თანამეცხედრე.

ძნელია მისთვის მარტოობა და ბნელი ღამე.

აკვირდება მზაკერული აზრი.

შეილი?

ჰყავდა თუ არა?

ველარ ისვენებს მოხუცი.

ჰყავდა თუ არა?

მტანჯავ ფიქრებში იცრიცება უძილო ღამე.

იქნება ჰყავდა? მოუკვდა კიდევ და არეინ იყო დამტირებელი?

დაეცა ცივ ლოვინზე და აქეთიინდა...

მეზობლებს შემოესამათ გმინვა ამაზრხენი

და როდესაც შეეკითხნენ ტირილის მიზეზს

უპასუხა: მაპატიეთ მეგობრებო! ვტირი შეილს, რომელიც შესაძლოა არც კი მყოლია.

ვარლთა საუზარი

ლამაზმა ასულმა ქორფა ვარდი მოსწყვიტა.

ვარდის ხავერდივით ფოთლების სურნელება გრძნობას ატკობდა, ათრობდა.

ლამაზმა ვარდს ამაყად გადახედა და სთქვა:

კარგი იქნებოდი, ვარდო, რომ სილამაზეს მალე არა ჰყარავდე!

მაგრამ ბედნიერი იმიანი ვარ, რომ სილამაზესთან ერთად სიცოცხლეც მეცლება! -- უპასუხა ქორფა ვარდმა.

დ. თურღსპირაღი.

ცირა

ქალთა სასწავლო კლასი გულისტანია... ყაბახია მშვენიერებისა... აღმოსავლელ ხელოვნის ჯადოსნური ოცნებაც კი ვერ წარმოიდგენს უყეთესს ჩანჩქერს ღალანა ყვაელებისას.

კლასში ცისმარე დღე ჰხდება. სასწაული. წლების განმავლობაში მოწაფე უსახო გოგო-ცუნა, მაგრამ გათენდება მისი გაზაფხულის დილა და იგი გარდაიქმნება მომზიბლავ ცირად. ასეთი დილა ყოველდღე თენდება. ხან ერთი სწყვეტს ბავშვობის არტახებს და იქვეა მშვენიერების დედოფლად, ხან მეორე.

მასწავლებლის თვალი მიჩვეულია ამ სასწაულებს... არ აღძრავს მასში საამო განცდებს ასეთი აფეთქება ნორჩი სიცოცხლისა... მისი სული ისეა დამძიმებული ორიანების წერის ცოდვებით, რომ არ უეშვებს ოცნებს ეს ზღაპრული მოვლენები.

სერგოც ასეთ მასწავლებელთა ჯურისა იყო. მდორედ მიტბორავდა მისი ცხოვრება, რომ ერთხელ ანაზღად არ აფეთქებულენინა მისი გამტკვერიანებული გული ერთ ცირას.

ცირა ზარმაცი იყო. ონავარი. გაკვეთილებს არ ამაზადებდა. სერგოც ორიანებით უმას-პინძღდებოდა.

ახლაც გამოუძახა... რა თქმა უნდა ცირას არა სცოდნია გაკვეთილი... მაგრამ... ცირას ცქრიალა თვალები ისეთის ეშხით და სასოებით გამოიყურებოდნენ, რომ სერგოს შემო-ალხვა გულცივობის ყინული... იგრძნო ჯერ აროდეს განცდილი ტკობა.

მოიხიბლა... მოიხიბლა სერგო და „წაწყნდა“... ხუთიანი დაუწერა...

აპირთავდა სერგოს გული სიყვარულის განუცდელ ტანჯვის სამსალით, თუმცა უხაროდა ეს ტანჯვა.

ყოველთვის, როცა კლასში შვეიღოდა, ცირა ეღვა თვალ-წინ და სწავდა ტრფობის ხანძარში.

თვითელი გამიხედვა ცირასი ჟრეოლასა ჰგვრიდა, სციღობდა არ შეეშხინეა და რად-გან ვერ ახერხებდა—სრულიად არ იხედებოდა მისკენ.

ახლაც მეორე კუთხეს მიაპყრო თვალი და მოჰყვა გაკვეთილს:

... ბევრი ღმერთები ჰყავდა წარმართულ საქართველოს... ბევრს შეუშხინეღად ახლაცა აქვს ფესვი გამღვარი ქართულთა სულში: ამმაზი... ვაცი... აინინა... ცირ...

წამოსკდა ცირას სახელი და მყის პირს შეეყინა...

გაცბა...

კულრაჰა მოწაფეებს არა გამოგპარებათ-რა...

ჯერ აღრევე ჰქონდათ გუმინი აღებული...

ახლა ყველაფერი გამოაშქარავდა...

მიუხედნენ ხვაშიადს...

თქარ-თქარი ასტებეს...

სერგო ამის შემდეგ აღარ შესულა კლასში.

ტფილისით გაგართლება

თუ სხვებისათვის საკმაოდ დაბერდა იპ. ტენის მეთოდი ხელოვნების ახსნისათვის, ჩვენთვის ის კიდევ კარგახან გამოდგება. განსაკუთრებით მისი „გეოგრაფიულ კლიმატიური“ თეორია... არ შეიძლება სხვა გვარად აიხსნას ასეთი ჭარბობა პოეტებისა, ჩვენში რომ არის. ყოველ ქართველს კარგა ხნით აწვალავს პოეტური პოტენცია და ვინაიდან ჩვენ არსებითად ღრმა არა ვართ, არამედ ფერადი, ავიღოთ მოდის „ხანა“ ამ წველებიდან, თავისუფალ რითმებში გადასვლა. ტენი მაინც მადლობის ღირსია: ჩვენი გეოგრაფია ნაირბობით მდლიდარია და სფენქსების სიცხე, ნირვანას ზანტი ძილი, დამპალ სიმწუნის ჭაობები, სტელიან მთის ჰაერს, მყინვარებს, ფიორდების ყნოსვას, ალპის იებს და ნაძვებს, ნაძვებს... და სულ პატარა სივრცეზეა ეს ფერადი ხალიჩა გაშლილი, ჰავა კილომეტრებზე კონტრასტებით სუნთქავს. და ყველა ამის საიდუმლოება მზეა, რომელიც ასე უყვარს, ჩვენს პოეტებს, მაგრამ თვალს ვერ უმაგრებს. ამიტომ სიბრძნე მზის, სიღრმე მისი ცეცხლეულობის ჩვენთვის უცნობია, მაგრამ ფერადობა მისი სხივების, ჩვენში ყვავილებზე და ამქართა ფერად დროშებზე და მათ სირბიან სარტყელებზე რომ თამაშობს, ჩვენს პოეზიას გზას ნათელით უფენს. და როგორც ის ქმნის ამ უცნაურ ფერთა ცახცახობას ქართულ ჩუქურთმაზე, ისე ჩვენს პოეტს აშლევინებს ფერად რითმებს, ლამაზ ორნამენტკაის. ბევრნაირია მისგან საიდუმლოების გახსნისათვის, რაც მეცნიერებას, რელიგიას და ხელოვნებას აწევს და ხერხედალს უღწევს. მათში ყველაზე მტკიცე პრიველია, მაგრამ დინჯია და ჩვენ გვაშინებს. ყველაზე თამამი და ამაყი მესამეა და ჩვენც მას გაუყვით. მაგრამ მეცნიერებას ვერ დავეუთავებთ, ვერ შევაჯახებთ... ამას გიოთე სჭირია და თუ გერმანელობა არა, ინდოგერმანელობა მაინც. ჩვენ ფესვები აღმოსავლეთში გვაქვს, რომლის მეცნიერება ნირვანისებურია და ნავევრად პოეტური. იქ შეჯახება არაა. იქ ჰარმონიაა. ნიცშეს ბუნტარობა და „ნება ძლიერებისადმი“ აღმოსავლეთს და ჩვენ გვიტაცებს, მაგრამ არ გაგვგმირავს. თუმცა ზარატუსტრა სპარსელია, მაგრამ უფრო პოეტური, რადგან ნიცშეს ფრაკი ეცევა და გახამებული საყლოც ჰქონდა. ჩვენ ვერ დავაჯახებთ მეცნიერებას და ხელოვნებას და ერთად მიგვყავს ის. ასე იყო ძველ ქართულს მწერლობაში (ინდოეთ-სპარსული ლიტერატურის გაველის ხანა) და ასე დარჩა დღესაც, იმ განსხვავებით, რომ ფილოსოფია ხელოვნებაში მიჰქარა, მიუსუსტდა, მაგრამ ფორმა და ეგზოტიკა თვით ხელოვნებითი გამოთქმისა უფრო ინტენსიურია.

და დღეს ქართული პოეზია უფრო ამ ფორმების და ფერადების მელოდიაა... ის შორდება ოდნავ აღმოსავლეთის კოლორიტს, მაგრამ ვერ ეთვისება დასავლეთის ფილოსოფიურ აზროვნებას—მეცნიერებასთან შეჯახებას. რელიგიასთან კი ჩვენს პოეზიას მუდამ (თუ შორეულ სასულიერო პოეზიას არ ავიღებთ) მკირე კავშირი ჰქონდა... ამიტომ, თუ დღეის ქართული მწერლობა საკმაო ნათელს დასტოვებს, ეს იქნება მარტო მისი უხვი, ფერადი და მზიური ფორმებით გაამარჯვება. და ჩვენ მას შევიყვარებთ, სანამ არ დავეიდგება ის დრო, როცა ჩვენ „საშინელებით ვრწმუნდებით, რომ უკვე ვეღარ ვგრძნობთ სილამაზეს“ ამას ვინცელმანი ამბობს თავის კერძო წერილში რომის ახალგაზრდა აზნაურის ფრიდრიხ ფონბერგისადმი. ვინცელმანმა იცოდა ელინიზმის ძალა, მას ესმოდა სილამაზე... გიოთეს განმარტებით უფრო ექსტრაზით, რადგან მისი სული უფრო ელინური იყო და ის სასვებით შევიდა ელინიზმში. დიახ, დადგება ხანა ჩვენის ცხოვრების, როცა ვეღარ ვიგრძნობთ ამ მშვენიერების ძალს და შევეფოთლებით ერთბაშად. მაგრამ ვიდრე ახალგაზრდანი ვართ და ჯანსაღი ინსტინქტი ზეირობის, ჩვენ მას მივიღებთ ნერვებით. შევისევამთ სისხლში... და ვფიქრობთ, რომ აღმოსავლეთის ღრმა, მელოდიურ ფილოსოფიას დაშორებული და დასავლეთის ბუნტარულ და ბოლოს კი უფრო პოზიტიურ ფილოსოფიამდე ვერ მისული, ჩვენი მწერლობა მაინც გამართლებულია ქართული უხვი ბუნებით, ძველებური სიმღერით და უფრო ფერადის ფორმებით. და ამ ახალ ფორმებზე მუშაობს დღეს ქართული პოეზია. და ტფილისი მას გაამართლებს ძველის თარებით, ჭეჭანდებით, ჰამქრებით და ოქრას ქაჩრებით. და ტუკილის სული ამართლებს ახალ თქმას „მოშინაშულ ყვავილებზე“. კაუებზე და კოლომანებზე... ტფილისი ყოვლის შემძლე: ძველი, მზიანი, ამტანი და გამტანი...

სევდა და ტრფიალების იდეა

წუთისოფელი, სისხლით აფერადებული და ძელებით მოკენილი სასაფლაოა მშენიერიებისა და დიდების. ქვეყანა იმედების და ღმერთების დიდი პათოსის — ქვეყანა აღთქმათა და ძიებათა დაკარიელდა.

თუ ოდესმე ამ მულამ მოწყობელსა და უთავბოლო წუთისოფელში უნუგეზო იყო ყოფა ადამიანისა, ჩვენს საუკუნეში, განსაკუთრებით იდეოლოგიურ ნანგრევებზე, ადამიანი ისე მარტოა, ისე საყოღვე, როგორც ლამანჩელი რაინდი სიერა-მორინის ხეობაში თავის დამტყრეული ფარ-ხმალით.

შორეული ბრგვინაობით ისმის ტლანქი ძაბილი კლექით დაავადებული საუკუნეებისა: ირაკონაღის რყევა რელიატივიზმით ავსებს სამყაროს დაუსრულებლობას: დაღრჯილი სახეები სოკრატისა და კანტის ერთმანეთს განცვიფრებით უყურებენ სხვადასხვა კუთხიდან; ადამიანის სულს ჩამოკიდებია დაუკმაყოფილებელ სურვილთა შურისძიება, როგორც სასირცხოვა ნავლეჯებით ძველი ტანისამოსისა. კაცობრიობის დოცენტურ გაპარანქულობას ნისლით პპურას პლანეტარული ქაოსის აორთქლება.

ვინ მოვა? ვინ დამშვიდებს ადამიანის მღელვარე სულს წუთისოფლად? ვისი თვალბინანაა, რომ იყურებინან სახეები საესე მარადიული მშენიერებით? ვინ არის იმედის განსახიერება ცრემლებისა და სევდის უდაბნოში? ვის შეუძლიან შეკუმშოს მარადობა წუთისოფელურ განცდაში?

-- მხოლოდ ქალს, რომელიც ნახევრად ქალია და ნახევრად კაცის ოცნება: სწორედ ამიტომ ყველა დროის კეთილშობილ ვიზიონერებთან ერთად ჩვენ ვეტრფით მარადიულ ქალღობის იდეას — სინაზისა და სისათუთის განსახიერებას: ფიამეტას, ლაურას, ბეატრიჩეს, ლეილას; ჩვენ ვეტრფით გულის დამას, — იაკობ ბემეს იუნგფრაუს და არა აღდონსას და თარაქანას.

თავისუფალი შემოქმედი

არაჩვეულებრივის გზით და ტემპით მიმდინარეობს თანამედროეობა; მას აქვს საკუთარი სიტყვა, თავისი სტილი, დამახასიათებელი ფორმა. კოლექტივიზმის ეპოქაში ვცხოვრობთ: კოლექტივიზმი შემოქმედებაში, კოლექტივიზმი ყველგან და ყველათურში. პიროვნება მიიწვევება.

ჩვენი მწერლობა ასცდა ამ საერთო ფერხულს. იგი დაუბრუნდა თავის თავს, თავის მეს: ინდივიდუალიზმის, სულიერ კარჩაკეტილობის პრინციპის აღიარებამდე მივიდა. ეს ადვილი ასახსნელიც არის: ჩვენი ლიტერატურა ორგანიულად არ არის დაკავშირებული ეპოქის ქარიშხალთან. იგი სდგას თავის პოზიციაზე და გვიმტკიცებს: ხელოვანი იყო და იქნება დამოუკიდებელი, თავისუფალი; ქეშმარიტი შემოქმედი მარტოა ყოველთვის; მას არავის დახმარება არ სჭირდება.

მე არ მივიკრს, რომ კოლექტივიზმის ხანაში ჩვენში „ლონდა“ და „გარსი მარადი“ იწერება. პიროვნების უარყოფის ეამს პიროვნება აყვანილია უმაღლეს მწვერვალამდე.

საერთოდ კი დამახასიათებელი შტრიხები თანამედროვე ქართული ლიტერატურისა ისევე ბედის ცდა და უმეტეს შემთხვევაში უბედობა არის: წუთიერი აღტყინება, ხალისი, თავდავიწყება და შემდგომ კვლავ სისუსტე, სიკარიელე, უიმედობა; მწვერვლებისკენ მისწრაფება და მწვერვლის ძირში უნუგეზო მოთქმა; შორეულ ნაპირისაკენ ღრთვლა და ნაპირის ვერ გადალახვა. ერთის სიტყვით არის ძიება, მისწრაფება, ცდა ბედისა და ნაწილობრივი მიღწევის. მაგრამ ჯერაც არ მომხდარა ქართული სიტყვის ბოლომდე გაშლა, გადალახვა იმ ჯადოსნურ წრისა, რომელშიაც დიდი ხანა მოქცეულია ჩვენი ლიტერატურა. შესაძლებლობა თავის დახვეწისა კი არაა: მაგრამ არა კოლექტივიზმის გზით. ქეშმარიტი ხელოვანი ერთადერთი გზა იყო, არის და იქნება თავისუფალი შემოქმედების პროცესი.

გრიზაშვილის პროფილი

ტანზორილი და მკვიდრათ შერეული, სანდომიანი და მარილიანი. მშვიდი და წყნარი, თავდაბალი და უწყინარი. თავდაქერილი და თავაზიანი, დარბაისელი და ზრდილი. ენა-ტკბილი და ენა-ვესლიანი. უბრალო--მიხვრამხვრავაში და წყნარად მოსიარულე, მუდამ თავის შიგნით მზირალი. პირველის შეხედვით თითქოს ცივი, ანგარიშიანი, მაგრამ მუდამ შინაგანი ცეცხლით აგიზგიზებული და წმინდა სიგიჟემდე გატაცებული.

ტკბილად მოსაუბრე და ცეცხლის მფრქვეველი, ნაზი და ტლანქი. განვითარებული და ველური, ევროპიელი და აზიელი. მუდამ კი ტფილისზე შეყვარებული. ქართული სიტყვის მხატვარი და ხუროთმოძღვარი,-- აი გრიზაშვილი. ქართულ სიტყვაში მან აღმოაჩინა ახალ-ახალი სილამაზე, გამოჰკვერა, გამოჰკვეთა და მართო ფერად სამკაულებში.

გრიზაშვილის სიტყვა ხან სევდიანი, ხან მზიარული, ხან გულ ჩათხრობილი, ხან უღარდელი, ხან ტკბილი, ხან შხამიანი, ხან თვინიერი, ზოგჯერ კი გივი, მუდამ კი სიყვარულის ცეცხლით აფუგუნებული და სისპეტაკით თვალის მომპკრელი.

სიყვარულს სამშობლო არ გააჩნია; ის ყველგან არის, ყველასთან,--საკაცობრიო გრძნობაა. სიყვარულის ტახტზედ დადგენილი გრიზაშვილი კი უღარესად ეროვნული მგოსანია: იმის ყოველ სტრიქონში, ყოველ სიტყვაში ქართული სურნელებია, გრიზაშვილი ქართული სიყვარულის ტარიელია.

გრიზაშვილის უყვარს ასეთი დისონანსები: უნაზეს გრძნობათა გვერდით ბებუთი და სისხლი.

იმიტომ რომ ამგვარია თვითონ ტფილისი: ინით შეღებული თითები და მანრიკაჟური, პარიზის მოდა და ჩადრი, ოპერა და შახსეი-ვახსეი.

გრიზაშვილი ხომ ტფილისის პირწავარდნილი შვილია:

„მიყვარს ტფილისი! ირაკლით მუდამ მშფოთარი!

„და მსურს, აჲ მოვედღე, რო მისი მზე სწვაედეს ჩემს უკბოს!

გრიზაშვილმა იცის ევროპის ფასი, მაგრამ: თავის ტფილისს ის არავის დაანებებს. ევროპა მასში ტფილისს ვერა ჰკლავს; ტფილისიც არ ავიწყებს მას ევროპას.

ევროპა ტფილისში,--ი მისი სურვილი.

„მსურს ევროპა გარდავქმნა მე ტფილისს უზნებათ“.

ზოგჯერ გრიზაშვილი გაუგებარია: მისი ლექსის ევროპიული სურნელება მიგიზიდეთ და უცებ თავს წაადგებით აზიელს ბებუთით ხელში. იმიტომ რომ გრიზაშვილში გაორებულია პიროვნება.

„ჩემში ორი გრძნობაა, ორი ენამკვერობა,--

„სინაზე და სიტლანქი, ტფილისი და ევროპა,

გრიზაშვილი ძველი ტფილისის რომანტიკოსია, ერეკლეს ტფილისის.

შეთანაზაზარი, ნარიყალა, შუშაბანდები, ვიწრო ქუჩები, ყარაჩოღელი, კინტო--აზრდილებივით ამოდიან გრიზაშვილის სტრიქონებში; ძველი ჰამქარი გამოჩნდება ქუჩაბანდში და წინ მიუძღვის უსტაბაში მოფარფარე მზის ყალამქარით. ისმის ზურნა, დილის საარი.

გრიზაშვილის „არ ასვენებს საქართველოს დარდი და ბოღმა“ (ტ. II, გვ. 103) და ფიქრი წამოშლის ხოლმე იმის ოცნებაში წარსულის სურათებს.

მაგრამ მარტო ამის გამო არ უყვარს გრიზაშვილს ძველი ტფილისი: იმის ბუნებაში არის ყარაჩოღული თავისებურობა, დარდიმანდობა, ლამაზი სიტლანქე.

აზიელია გრიშაშვილი გარბობით, ბუნებით, მაგრამ მისი გონება ევროპისაკენ იხედება.

„მიყვარს ლექსის სიხარე - თემა აღმოსავლური -
„მაგრამ მუდამ მალღლებს მე ევროპა სწავლული.

გრიშაშვილი რითმის თვალდასრულია. მას ერთობ ეადვილებდა რითმებთან თამაშიც, მათი ხმალში გამოწვევაც და ყოველთვის გამარჯვებული რჩება.

რიტმების წაღკოტში არა ერთი და ორი საუცხოვე ყვავილი დაურგავს და კიდევ ბევრს დარგავს.

რიტმათა თავისებურსა და თავისუფალ ფერხულში გრიშაშვილი იშვიათია. მისი რიტმა ხან ქალივით ნაზია, ხან ვაჟივით ძარღვმავარი, ხან შშივილი და ხალისიანი, ხან კი მქუხარე და ცეცხლის მფრქვეველი, მაგრამ მუდამ ელვის სხივებში დაფერილი და ქალწულის რძით ტანაყრილი.

გრიშაშვილი შეუდარებელი რაინდია სიყვარულისა.

„ერთი უნდეს სამიჯნურო,
ერთსა ვისმე აშოვობდეს,
ყოვლსა მისთვის ჰხელოვნობდეს.
მას აქებდეს მას ავობდეს.
მისგან კიდევ ნურა უნდა,
მისთვის ენა მუსიკობდეს“.

გრიშაშვილის სტიქიონი სიყვარულის ზღვა არის ხან დაწყნარებული, ხან მღელვარე და აზვირთებული, მაგრამ ერთფეროვანი არ არის, რადგანაც მისი სიყვარულის ზღვა უძირო არის და მისი ფერადები - უთვალავი.

სიყვარულის ზღვამ გრიშაშვილში ჰპოვა თავისი ღირსეული მხატვარი, რომლის ყოველი ნახაზი ჩვენი გულის უნაზეს სიმებს ტკბილად არხევს და ათრთოლებს.

„მე ტფილისმა შემამყო. მე ტფილისმა შემხარდა“.

გრიშაშვილი უტფილისოდ შეუძლებელია, ისე როგორც ტფილისი წარმოუდგენელია ამას იქით უგრიშაშვილოდ.

გრიშაშვილი ფაფარაყრილი გატაცების, ყოვლად კეთილშობილი ახალგაზრდობის მგოსანია, გარედან შშივილი, შიგნით კი მუდამ მოუსვენარი, გარედან წყნარი, შიგნით კი მუდამ მღელვარე.

სადაც ახალგაზრდობა თავისი ცეცხლით, გატაცებით, სიყვარულით, სიგიჟითა და წმინდა სევდით. იქ გრიშაშვილი მუდამ იქნება სანატრელი თამადა.

გრიშაშვილის პოეზია ხან შუადღის ენებიანი სიციხეა, ხან მთვარიანი ღამის ოცნება, მუდამ კი თავისებურია, გრიშაშვილური.

გრიშაშვილში მუდამ მეტყაბდება ჯალათი კეთილშობილი მრისხანებით აღქურვილი, რომელიც მტკიცეთა სდგას თავის სადარაჯოზე...

აფიშ-პაპასიის რეინის გზათა სამართველთ

ა ც ხ ა ღ ე ბ ს

სამეურნეო-სამასალო სამსახურის შენობაში
(ტფილისი, ვაგსლის ქ. № 1). 1924 წლის
იანვრის 15-ს დღის 12 საათზე დანიშნულია

წერილობითი საჯარო ვაჭრობა

საპირდა აჯიჩაბულის საღებურისათვის, რეინის რეზერვუარის
შეკრება ტივადობით 130,000 ფუთი და დაღგა გამვადებულ
ფუძეზე.

რეზერვუარს ესაჭიროება შემორგალეა, შეკეობა დახურვა და განწესრიგება ქვანის სა-
ტურველის (არმატურის), სეკაბო ეველა მუშაობის შემდეგ ნაინავის (страпила) დაე-
ნება, და მოწობა ღარტეების რეინის სახურავისათვის; აგრედე შვი რეინით სახურავის
დაფენა და რეზერვუარის შეერთება მთავარ ტემის მაღონ. (სსრტევა 6¹¹¹—დახლოე-
ბით 70 ფ. და წნედი 5¹¹-იანი დახლოეებათ 450 ფ.)

ეველა სამუშაო უნდა სწარმოებდეს საკუთარ იარაღებთ, მსალება ამერ-კავკასიას რე-
ინის გზის.

მსურველებმა უნდა გამოგზავნონ წერალობითი განცხადებები 1924 წლის იანვრის 15-
ისათვის, არა უგვიანეს დღის 12 საათის დახურულ და დაბეჭდილ კონვერტებთ შემდეგი
მისამართით: **სამეურნეო-სამასალო სამსახურში**. ან-და ეს განცხადება ჩუ-
შკან განსაკუთრებულ ეუთში, რომელიც გამოკადულაა სმისხურის მისაგლთან:

განცხადების კონვერტზე უნდა წაწერონ:

**„1924 წლის, იანვრის 15-ს დანიშნულ კონვერტისათვის სა-
ღებურ აჯიჩაბულზე რეინის რეზერვუარის შეკრებაზე და დაღ-
გაზე“.**

გრედი ცნობების მადება შეიძლება ეოველ დღე კვარ-უქმების კარდა დღის 10—2
საათადე სამეურნეო-სამასალო შენობაში, ითახი № 81.

ამიერ-კავკასიის რკინის გზათა მართველობა

ამით აცხადებს, რომ სამეურნეო-სამასალაო სამსახურის შენაბში (ტყუილისი, ვოკსადის ქუჩა, № 1) თებერვლის 7-ს შუადღის 12 საათსე

და ნ ი ფ ნ უ ლ ი ა

ზერილოზითი სავსრო პეტკოზს

შემდეგი ნიეთების განკვეთილ ფასებში შესატენად: საღვსავი და ზუმფარა ქვები ს. ახო რიცხით 114 ცალი; ვადიზუურა (шпалит) სუადასხეა ზომის 649.000 ცალი; ხანთურები (горелки) 5111-იანი და ლრუბლიანი, რომელნიც უშუშებოდ ინთებიან—10,000 ცალი; რეზინის ტილო და რეზანი 94 ფუთი; თითო გირვანქიანი ნაპროვანი საძქნი 5.000 ფუთი. სანდალოზი (пая) სუადასხეა ნიირი 80 ფუთი. ავასთანაჟ მართლეოზა იფოქუს ფულუქუს მუაქვითბს და გაადილს ბღვსავს რადეონა მუაქვით სავნუბე, ავანდეჟ აქს ფულუმა ვასსეს ვით პირს პუქვთა მთლასნად და ნაპოლუმბივად.

ამ სავსრო ვაჭრობაში მონაწილეობის მიღების მსურველებმა უცილობლად 1924 წლის თებერვლის 7-ს არა. უგვიანეს 12 საათისა უნდა შემოიტნონ წერილობითი განცხადება და ბეჭდილ კონვერტებში შემდეგი მისამართით: სამეურნეო-სამასალაო სამსახურში ამგვარ წარწერით:

„საპრემსურმნიოდ 7 თებერვლისთვის დანიშნულ სუადასხეა მასალების მონარავებისათვის“. ან-და ეს კონვერტი ჩაუშვან სავანტებოდ გამოკიდულ ყუთში სავსახურის შენობის მისაელოან.

ზემორე მოხსენებულ ნიეთების ღირსებაზე მსჯელობისათვის უეკველად საუიროა ნი-მუშების წარდგენა. ვრცელი ცნობის მიღება, დაკვეთის პირობების განხილვა და აგრეთვე ნიეთების სპეციფიკაცია შეიძლება ყოველ დღე გარდა კვირა უქმე დღეებისა დილის 10-12 საათამდე. დფილისში სამეურნეო-მატერიალურ სამსახურის ოთახში № 86 და 89.—და მოსკოვში საღვია-სპასკია, 25, ოთახი 4. რკინისგზის წარმომადგენელ კონსილოვთან.

1524/58

ზახი მინსი-ზაზრი.